

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 i 3/23), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 135. sjednici, održanoj 03.07.2026. godine, d o n o s i

ZAKLJUČAK

I.

Daje se saglasnost Mušija Mirzi, ministru Ministarstva za obrazovanje, nauku, kulturu i sport Zeničko-dobojskog kantona, za potpisivanje Sporazuma o realizaciji Projekata „Utopljanje objekta Srednjoškolskog centra u Tešnju“ i „Uređenje novog učioničkog prostora u OŠ „1. mart“ Jelah“ sa Općinom Tešanj, koji se prilaže uz ovaj zaključak i smatra se njegovim sastavnim dijelom.

II.

Za realizaciju ovog zaključka zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

III.

Zaključak stupa na snagu danom donošenja.

Broj: 02-_____/26
Datum, 03.07.2026. godine
Zenica

PREMIJER

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport,
1x Ministarstvo finansija,
1x a/a.

U skladu sa prijavom Općine Tešanj na Javni poziv za odabir korisnika za Program “Povećanje energetske učinkovitosti i obnova nacionalnih spomenika”, - Tekući transferi drugim razinama vlasti i fondovima - za projekat utopljanja zgrada radi uštede energije za projekat „Utopljavanje objekta Srednjoškolskog centra u Tešnju“, te iskazanih potreba za dodatnim učioničkim prostorom u OŠ „1.Mart“ Jelah,

1. **OPĆINA TEŠANJ**, ulica Alije Izetbegovića broj: 1, 72260 Tešanj, koju zastupa Općinski načelnik Mr.sci.Suad Huskić i
2. **MINISTARSTVO ZA OBRAZOVANJE, NAUKU, KULTURU I SPORT ZDK**, ul.Kučukovići 2, 72000 Zenica, koje zastupa Ministar Mirza Mušija ,

dana _____ u Tešnju, zaključili su sljedeći

S P O R A Z U M

o realizaciji Projekata „Utopljavanje objekta Srednjoškolskog centra u Tešnju“ i „Uređenje novog učioničkog prostora u OŠ „1.Mart“ Jelah“

I PREDMET I CILJ SPORAZUMA

Član 1.

Ovim sporazumom uređuju se međusobni odnosi, te definiraju obaveze i dužnosti Općine Tešanj i Ministarstva za obrazovanje, nauku, kulturu i sport ZDK, a u vezi realizacije projekata „Utopljavanje objekta Srednjoškolskog centra u Tešnju“ i Uređenje novog učioničkog prostora u OŠ „1.Mart“ Jelah“.

Član 2.

Cilj ovog sporazuma je stvaranje boljih uslova za održavanje nastave za učenike srednjoškolskog centra, ušteda energije utopljanjem objekta, te osiguranje potrebnog učioničkog prostora za održavanje redovne nastave učenika OŠ „1.Mart“ Jelah.

II VRIJEDNOST PROJEKTA I ROK ZA REALIZACIJU

Član 3.

Ukupna procijenjena vrijednost projekta „Utopljavanje objekta Srednjoškolskog centra u Tešnju“ iznosi 440.000,00 KM (slovima: četiristotinečetrestiljadakonvertibilnihmaraka) sa uračunatim PDV-om, dok vrijednost projekta „Uređenje novog učioničkog prostora u OŠ „1.Mart“ Jelah“ iznosi ukupno 64.000,00 KM (slovima: šezdesetičetirihiljadekonvertibilnihmaraka) sa PDV-om.

Član 4.

Rok za realizaciju projekta „Utopljavanje objekta Srednjoškolskog centra u Tešnju“ je godinu dana od odobravanja sredstava po javnom pozivu Federalnog ministarstva za prostorno uređenje, dok je rok za realizaciju projekta Uređenje novog učioničkog prostora u OŠ „1.Mart“ Jelah“ 30.09.2026.godine.

III OBAVEZE I DUŽNOSTI SPORAZUMNIH STRANA U REALIZACIJI PROJEKTA

Član 5.

Potpisnici sporazuma su saglasni da će nosilac implementacije cjelokupnog projekta biti Općina Tešanj, te da se saradnja između sporazumnih strana zasniva na načelima odgovornosti, međusobnog povjerenja, uvažavanja i razumijevanja.

Član 6.

Sporazumne strane će sve aktivnosti na implementaciji projekta vršiti u skladu sa važećim zakonima, podzakonskim aktima i propisima koji regulišu predmetnu oblast.

Član 7.

- (1) Finansijsko učešće za projekat „Utopljavanje objekta Srednjoškolskog centra u Tešnju“ se odnosi na tri izvora finansiranja, i to: Federalno ministarstvo prostornog uređenja u iznosu 140.000,00 KM po javnom pozivu, Ministarstvo za obrazovanje, nauku, kulturu i sport ZDK u iznosu od 200.000,000 KM i Općine Tešanj u iznosu 100.000,00 KM.
- (2) Ukoliko projekat ne bude odobren i finansiran kroz Javni poziv, potrebna preostala sredstva za pokretanje postupka javne nabavke obezbijedit će Općina Tešanj i Ministarstvo za obrazovanje, nauku, kulturu i sport ZDK u jednakom omjeru (po 70.000,00 KM)
- (3) Finansijsko učešće za projekat „Uređenje novog učioničkog prostora u OŠ „1.Mart“ Jelah“ osigurava Općina Tešanj u punom iznosu od 64.000,00 KM.
- (4) Prijenos finansijskih sredstava iz stava (1), Ministarstvo za obrazovanje, nauku, kulturu i sport ZDK će izvršiti uplatom na bankovni račun Općine Tešanj, broj: 1990460031706293, otvoren kod SPARKASSE Bank d.d. BiH, Zmaja od Bosne 7, 71000 Sarajevo, u skladu sa Programom utroška sredstava u razdjelu 22 – Ministarstvo za obrazovanje, nauku, kulturu i sport, pozicija „Kapitalni transferi drugim nivoima vlasti“ – izvor 10 Budžeta Zeničko-dobojskog kantona za 2026. godinu.

Član 8.

Obaveze i dužnosti Općine Tešanj u realizaciji predmetnih projekata su:

- poduzeti sve potrebne aktivnosti u svim segmentima realizacije projekta, a u skladu sa projektno-tehničkom dokumentacijom, ishodovanim dozvolama i odobrenjima, te važećim propisima o građenju;
- namjenski utrošiti odobrena finansijska sredstva iz člana 7. stav (1) ovog sporazuma, primjenjujući relevantne zakone i propise, te da njihov utrošak bude transparentan, ekonomičan i efikasan;
- obezbijediti nadzor implementacije projekta u cilju transparentnosti i zakonitosti utroška sredstava i kvaliteta izvršenja posla;
- dostaviti izvještaj o implementiranim aktivnostima i namjenskom utrošku sredstava, koji uz narativni opis upotrebe sredstava mora sadržavati dokaze o transparentno provedenom postupku javne nabavke, izvještaj imenovanog nadzora, kopije dostavljenih situacija sa kopijom fiskalnog računa, bankovne izvode i uplatnice prema odabranom izvođaču.
- Ukoliko Općina Tešanj ne dostavi navedeni izvještaj u roku od 30 dana od okončanja ugovorenih radova, obavezna je vratiti cjelokupni dodijeljeni iznos.
- izvršiti povrat neutrošenih i nenamjenski utrošenih sredstava na račun Ministarstva za obrazovanje, nauku, kulturu i sport.

Obaveze i dužnosti Ministarstvo za obrazovanje, nauku, kulturu i sport ZDK u realizaciji predmetnih projekata su:

- obezbijediti sredstva iz člana 7. tačka (1) i izvršiti uplatu na bankovni račun Općine Tešanj, u skladu sa Programom utroška sredstava u razdjelu 22 – Ministarstvo za obrazovanje,

nauku, kulturu i sport, pozicija „Kapitalni transferi drugim nivoima vlasti“ – izvor 10
Budžeta Zeničko-dobojskog kantona za 2026. godinu

Član 9.

Sve nabavke u okviru ovog sporazuma će biti provedene u skladu sa Zakonom o javnim nabavkama, a vrše se na način koji omogućava najviši stepen transparentnosti. Prihvataju se ponude prema definisanim kriterijima tenderske dokumentacije, zasnovane na Zakonu o javnim nabavkama.

IV ZAVRŠNE ODREDBE

Član 10.

Za sve što nije obuhvaćeno ovim sporazumom primjenjivat će se relevantni propisi Bosne i Hercegovine.

Član 11.

Potpisnice sporazuma su saglasne da će sve eventualne sporove koji nastanu iz ovog sporazuma rješavati međusobnim dogovorom. Ukoliko se nastali spor ne riješi međusobnim dogovorom, potpisnice sporazuma ugovaraju nadležnost Općinskog suda u Zenici.

Član 12.

Ovaj sporazum sačinjen je u 4 (četiri) istovjetna primjerka, od kojih svaka potpisnica sporazuma zadržava po 2 (dva) primjerka.

Član 13.

Ovaj sporazum stupa na snagu danom potpisivanja.

**Ministarstvo za obrazovanje, nauku,
kulturu i sport**

Ministar Mirza Mušija

Broj:_____

Datum:____.____.2026. godine

**Općina Tešanj
Općinski načelnik**

Mr.sci.Suad Huskić

Broj:_____

Datum:_____. godine